

MODIFICACIÓN DO REGULAMENTO DE FUNCIONAMENTO DO PUNTO DE ATENCIÓN Á INFANCIA DO CONCELLO DA PASTORIZA.

[....]

Artigo 7.PRAZAS.

O PAI terá 20 prazas, reservándose en todo caso, un mínimo dunha praza para os casos considerados de carácter urxente polos servizos sociais municipais.

[....]

Artigo 11. 3. As solicitudes presentadas fóra de prazo non serán tramitadas nin baremadas.

[....]

Artigo 12. CRITERIOS PARA A ADMISIÓN DE NENOS/AS NO PAI

1. Será requisito prioritario para ser usuario/a do PAI que a unidade familiar este empadroada no Concello da Pastoriza. Por unidade familiar entenderase o neno/a así como ámbolos dous pais.

2.Tamén poderán acceder ao servizo do PAI os nenos/as empadroados noutro concello cando polo menos un dos proxenitores desempeñe a súa labor profesional no termo municipal o que deberá acreditar co correspondente contrato laboral ou certificado de empresa.

Artigo 13. BAREMO DE ADMISIÓN E ADMISIÓN PREFERENTES

1. A selección das solicitudes efectuarase en función da puntuación acadada segundo o baremo previsto no Anexo I deste regulamento. No baremo avalíaranse os factores socioeconómicos, familiares e laborais da unidade familiar.

Enténdese como unidade familiar para estes efectos entenderase como unidade familiar o conxunto de persoas unidas por vínculos de matrimonio, ou análoga relación de efectividade ou parentesco cando constitúan núcleos estables de vida en común. Terán tamén esta condición as familias monoparentais.

2. A valoración realizarase por a orde de presentación das solicitudes, reservándose un mínimo dunha praza para casos considerados de carácter urxente polos servizos sociais municipais.

3. En caso de obter igual puntuación serán considerados preferentes, seguindo a orde que se establece a continuación, os casos de:

1º Unidades familiares empadroadas no Concello

2º.Os nenos /as de familias incluídos nos programas de intervención familiar da Vicepresidencia da Igualdade e do Benestar e da consellería de Sanidade e que veñan desenvolvendo os Servizos Sociais municipais.

3º Menor renda per cápita

4º Os nenos/as integrantes de familias numerosas de conformidade coa normativa existente.

5º Os nenos/as que xa teñan un irmán ou irmá con praza no mesmo PAI.

Artigo 14. COMISIÓN DE BAREMACIÓN

Recibida a instancia xunto coa documentación procederase a súa valoración para o cal se constituirá una Comisión de Baremación, selección e seguimento coa seguinte composición:

Presidente: o/a responsable de servizos sociais

Vocais:

- o/a concellerio/a delegada da área

-o/a encargado/a do PAI

-un funcionario do concello quen actuará tamén como secretario

A comisión comprobará os datos aportados e avaliará as solicitudes de acordo cos criterios previstos no artigo anterior.

Artigo 15. LISTA PROVISIONAL E RECLAMACIÓNS

Unha vez realizada a baremación a comisión efectuará unha proposta de selección e publicará a relación provisional de admitidos/as, excluídos/as e, no seu caso, a lista de espera, todos coa puntuación obtida.

A lista provisional publicarase no taboleiro de anuncios do Concello, no taboleiro do punto de atención á infancia e na páxina web do Concello.

Durante o prazo de 10 días a contar a partir do seguinte a data de publicación da relación provisional os interesados poderán presentar no rexistro xeral do Concello as reclamacións debidamente documentadas que estimen oportunas.

Artigo 16. LISTA DEFINITIVA

Unha vez resoltas as reclamación presentadas ou no seu caso transcorrido o prazo sinalado sen que se presente reclamación algunha a Comisión de baremación publicará a unha lista definitiva nos mesmos lugares que a provisional e remitiraa en forma de proposta á Xunta de Goberno Local para a súa aprobación.

Os casos de urxencia social que podan xurdir a longo do ano, para os que existe a reserva mínima do 5% do total das prazas, poderán ingresar en calquera momento do curso.

A ocupación destas prazas non darán lugar a dereito de reserva de praza para o curso seguinte, debendo presentar cando se abra o prazo ordinario a súa solicitude de novo

ingreso, non obstante, se as situacións de risco, desamparo ou exclusión social que motivaron a urxencia social se manteñen, e así se acredita mediante os correspondentes informes dos servizos sociais municipais, terase en conta no procedemento de admisión valorándose tal circunstancia e dándolles preferencia.

As prazas dos casos de urxencia social ocuparanse previa proposta e informe favorable dos servizos sociais. A Xunta de Goberno Local decidirá sobre a admisión ou no do neno/a no centro, salvo que a urxencia do caso non o permita entón resolverase polo alcalde ou Concelleiro responsable dando conta á Xunta de Goberno Local na primeira sesión que se celebre.

Os servizos sociais do Concello fará nun seguimento do neno/a admitido en canto a súa asistencia ao centro e o mantemento das súas condicións de saúde e benestar social así como da situación que provocou á urxencia social

[...]

CAPITULO XIX LIBRO DE INDICENCIAS

Artigo 40 libro de incidencias

No PAI existirá un libro de incidencias onde o persoal anotará con carácter diario calquera incidencia que se poda producir respecto dos nenos/as do centro.

No libro indicarse o nome do neno/a, o día e hora da incidencia e un breve descrición da incidencia.

Se a incidencia se considera especialmente grave o persoal do PAI comunicaraa ao responsable de servizos sociais o antes posible.

Mensualmente o/a encargado/a do PAI remitirá aos servizos sociais e o concelleiro/a delegado da área dun informe-resumo das incidencia producidas en dito período.

[...]

Anexo I

BAREMO DE ADMISIÓN

O baremo a aplicar para a resolución de solicitudes é o seguinte:

SITUACIÓN SOCIO-FAMILIAR	
• Pola ausencia no fogar de ámbolos dous pais. Orfandade	12 puntos
• Pola condición de familia monoparental	8 puntos
• Por calquera circunstancia de exclusión social debidamente acreditada con informe dos servizos sociais	Ata 6 puntos
• Por cada membro da unidade familiar afectado por minusvalidez, (demostrable a través de cualificación de minusvalía) enfermidade que requira internamento periódico, alcoholismo, drogadicción (con informe médico) ou persoa con dependencia valorada (coa correspondente resolución)	Ata 4 puntos

• Pola condición de familia numerosa	3 puntos
• Outras circunstancias familiares debidamente acreditadas	Ata 2 puntos
SITUACIÓN LABORAL	
• Por ocupación dos dous pais -ocupación da nai 5 puntos -ocupación do pai 5 puntos	10 puntos
• Por desemprego -desemprego da nai 2 puntos -desemprego do pai 2 puntos	4 puntos
SITUACIÓN ECONÓMICA	
• Por renda per cápita mensual da unidade familiar* referida ao indicador público de renda de efectos múltiples (IPREM) vixente	
Inferior ao 25% do IPREM	+ 4 puntos
Entre o 25% e o 50% do IPREM	+ 3 puntos
Superior ao 50% e inferior ao 75% do IPREM	+2 puntos
Entre o 75% e o 100% do IPREM	+1 puntos
Superior ao 100% e inferior ao 125 % do IPREM	- 1 punto
Entre o 125 % e o 150 % do IPREM	-2 puntos
Superior ó 150% e inferior ao 200 % do IPREM	-3 puntos
- Igual ou superior ao 200% do IPREM	-4 puntos

A Pastoriza, a 16 de novembro de 2011

P.D
(Decreto de alcaldía 13 de xuño de 2011)

A tenente de alcalde delegada de área

Elva Carrera González